

## آبونه شرائطی

ممالك عثمانیه ده سنه لکی (۶۵) ، التي  
آیلغی (۳۵) غروشدور .  
ممالك اجنبیه ده سنه لکی (۱۷) ، التي  
آیلغی (۹) فرانقادر .

## اداره خانه

باب طای جاده سنده اورخان بلكه خاننده  
نومرو ۲۳-۲۶

## اضطارات

آبونه بدلی پیشیندر .

§

مشالکه موافق آثار مع الممنونیه قبول  
اولنور . درج ایدیلیمه یین یازیلر  
اعاده اولوماز .

# الکشاف

سر ۱۳۳۰

## اضطارات

رساله مزدن آلتدیغی کون ترمک شرطیله  
بتون یزیلر هر هانکی رغزته طرفندن  
اقتباس اولونه ییاید .

§

مکتوبلرک ، امضارک واضح و  
ارقوناقلی اولمسی و آبونه صره  
نومروسنی محتوی بولونمسی لازمدور .

§

ممالك اجنبیه بچون آبونه اولالارک  
آدرس لرینک فرانسه یه سرده یازلمسی  
رجا اولنور .

§

اون آبونه قید ایدن ذاته بر آبونه  
مجاناً تقدیم اولنور .

والله یهدی من یشاء الی صراط مستقیم

دینی ، علمی ، ادبی ، سیاسی هفته لقی مجموعه اسلامییه در

اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۴۸ - ۲۳۰

صفر ۲۹ ۱۳۳۱

پنجشنبه

۲۴ کانون ثانی ۱۳۲۸

جلد ۲ - ۹

خصوصاً تسهیلات کلیه اجرائیه موفق اومسئ ؛ هر مسلم ایچون شایان افتخار اولدیغندن خط مذکور هیئت اداره سنه علناً عرض شکرانی وجیهه دن عدايله شوورقه عاجزینک جریده محترمه لرینک برکوشه سنه درجه مساعده بیورلمسئ استرحام ایلرم . بغدادی

الحاج جمیل مذلاوی

حیف

## شؤون

**مخبره باشموری .** — ادرنه والیسيله قوماندانندن آلتان تلغرافنامه ده بازار ایرتسی کونی اقشای زوالی ساعت یدی بچقه دشمن طرفندن ادرنه قلعه سنک شرق وجنوب جبهه لرینه طویچی وپیاده آتشی اجرائیه وشهرک بومباردماننه باشلانیش وبعونه تعالی قهرمان عسکرلرمزک شدتله مقابله ده دوام ایتکده بولنش اولدینی وداخل مملکتده سکون وآسایشک برکال بولندینی بیلدیرلمکده در .

**« شنکین » ک استرداد .** — اردوی عثمانی طرفندن واقع اولان ناکهانی برهجوم اوزرینه اردومز ، ( شنکین ) ی دشمن الندن استرداد ایلشدر .

**« لشی » ک استرداد .** — عثمانی عسکری ايله آرناودرؤساسندن احسان بک معیتده کی کولکلیلر ، برابرلرنده ترک ضابطانی ده بولندینی حالده ، بغته ( لشی ) ده بولنان صرب طابورینک اوزرینه هجوم ایله شهری استرداد ایلشدر . بوجاهدلر ، صربلردن خیلی ارزاق ومهمات اغتنام ایتدکاری کبی دشمنک عمومئ اسیر ایلشدر . ارزاق نقلیاتنه مخصوص اولق اوزره درت یوز عربده صربلردن ضبط ایلشدر . عساکر عثمانیه وآرناودلر ، صربلرک اجرا ایلدکاری مظالم ووحشته رغماً انتقام سوداسنه دوشمه مشلر ، مسلمانلرک مدینت وانسانیتپرورلکلرینی کوسترمک ایچون اسرای ترخیص ایلشدر .

**مرافعه ملیه جمعیتی .** — عثمانی اتحاد وترقی جمعیتک دعوتیه دارالفنون قونفرانس سالوننده ۸ کانون ثانی ۲۲۸ جمعه کونی مملکتیمزک هر صنف ارباب حیثیتدن بر جم غفیر اجتماع ایدرک اولجه نشر وتوزیع ایدیلان روزنامه ده مندرج کافه موادی قبول ایتش و هیئت فعاله ایله اعانه درجی ، کولکلی طابورلری تشکیلی ، خسته خانه لر تأسیسی ، افکار عمومیه ک تنویری خصوصلرینی درعهده ایدن هیئتلر انتخاب اولنش ، فرداسی جمعه ایرتسندن اعتباراً بتون هیئتلر اجرای فعالیتنه باشلامش ، بر چوق موفقیات تأمین ایلشدر .

**شکری باشا سیف مفخرت تقریمی .** — ادرنه قوماندان محترمی شکری پاشا حضرتلرینه ادرنه مدافعه سندن طولای آلمانیا ده سورلینین شهرنده واقع « استامینیشرون » جمعیتک صورت مخصوصه ده بالاجتماع مشارالیه حضرتلرینه قارشى تقدیرات وتبجیلاتلرینی کوسترمک اوزره مرصع برسیف مفخرت تقدیمه قرار ویرمش اولدقلری مطبوعات اجنبیه ده کورلشدر .

§ دیگر طرفدن مشار الیه فرانسه ده ا کمال تحصیل ایتش اولدقلری ( پیرتانه دودلافهش ) مکتبک اسکی شا کردان جمعیتی دخی مشار الیه بر سیف مفخرت تقدیم ایتک اوزره اعانه جمعه باشلامشدر .

**اینه کولمه اعانه حربیه .** — اینه کول قصبه سنده متشکل هلال احمر واعانه حربیه وعساکر شاهانه هداای شتایی قومسیونجه قصبه ودومانج ناحیه سی مرکزیه انلره ملحق قرا اهالی حیثیتدانى طرفندن ویرلوب جمع ایدیلان الی بشیک طقسان سکز غروش اوتوز بش باره ایله الی بیک

اوت ؛ کربلا ده اون کونلک محرم بویه طمطراقلی ، کورولتیلی ، آوازی ، ادالی کچر ، بر بیانچی واجنبینک کوزینه بو منظره لر پک تحف ودینی تلق ایدیلر . حالبوکه دینه هیچ بر تعلق یوقدر . هپ ( Demonstration ) نامی آلتنده اجرا ایدیلن شیلردر . ذاتاً اسلامیت ایچنه اوقدر خرافات صوقولشدر که ، اساس دیانت بوغولش کیمشدر . علما ، وعاظ ، زهاد ، عباد ، طلاب بو حاللرک اصلاحه همت واهمیت کوسترمزلر . آنلر یالکز کندی دکانلرینک رواجی دوشونوب زوالی مسلمانلری وادی ضلالتده پویان اولقدن منع ایتیلرلر . وجدانه ، اللهمه قسم ایدرم که شیعی ، سنی نه قدر علما وارسه هپ وظائف دینه لرنده قصور ایتشلر والآن ایتکده درلر . یوقسه مسلمانلرک حالی بوکونه وارمازدی . جناب حق نزدنده قیامت کوننده بونلرک جمله سی مسئولدر . جناب حق آلدانماز ، اعدل العادلیندر .

یالکز . نم نظر دقتی جلب ایدن ده بر شی وارایسه کربلا ده کی هندیلرک دسته سیدر . بدسته حقنده نه یازسه م آزدر . مکتبلری حقنده اولجه نه یازدمسه ، دسته لری حقنده ده نقطه نظرم عینی مایودر .

خلاصه حکومت الآن غافلدر . نه یاپه جفنی بیلیمور . خطه عراقیه اصلاحات حقیقیه ، تشکیلات ، تنسیقات ، بویوک همت ایستر ، بویولکله قالیرسه نتیجه وخیم اولور . صوکرده دن یشیانلغک بر فائده سی یوقدر .

کربلا : مخبر مخصوصکر

س . م . توفیق

## اهل اسلامک نظر دقتنه

**فریضه حبی ایفا شرفه نائل اولان بوعبد عاجز ؛** بوسنه حجاز تیمور یولنک مدینه منوره دن شام شریفه قدر اجرا ایلدیکی حج نقلیاتنده ، ابرازینه موفق اولدینی سرعت وانتظامی دینداشلریمک پیش انظار دقتنه وضعی کندجه بروظیفه عدا ایلرم .

مدینه منوره دن شام شریفه قدر اولان ، و بوندن اون سنه اول قرق کوندن فضله بر مدت ظرفنده ، دوه اوزرنده نیجه مزاحم ومشاقه قاتلانهرق ، تهلکله معروض اولهرق قطع اولنقده اولان مسافه نک ؛ منتظم واغونلر دروننده ، الی آلتی ساعت قدر بر مدت ظرفنده قطعی ؛ حقیقه بیوک بر موفقیتمدر .

حجاز دمیر یولی اداره سی حجاج کرامه بر سهولت مخصوصه اولق اوزره بوسفر اجرا اولنان نقلیاتنده ، اوافق استاسیونلرده بلا توقف مرور ایتدیریلن تره نلره مدت سیاحتی برقات ده تنقیصه موفق اولمشدر .

تبوک قرانته خانه سنده بکله نیلمکده اولان بش کونلک قرانته ایسه ، — بعض نواقصه رغماً — هر دلرلو اسباب استراحتی تأمینه کافی کلکده در .

اک زیاده ممنونیتیزی موجب اولان جهاتدن بری ده کرک مدینه منوره دن وکرک اثنای راهده حجاز دمیر یولی مأمورلردن کوردیکمز حسن معامله وانتظامدر .

ملت نجیبه عثمانیه واسلامیه نک معاونت مادیه ومعنویه سی ایله مساحه حصوله کلش اولان بو مؤسسه نک ؛ بو صورتله کوندن کونه مظهر تکمیل اولهرق زیارت روضه مطهره جناب پیغمبرینک اجراسی

صوك ضربی اور مقدر. قلبی حب وطنله لرزان، ناصیه سی نور ایمانله درخشان، شجاعت و بسالتلری معروف جهان اولان اولاد اكرادك وسائر آرزوایدن وطنپرورانك (وجاهدوا ....) امر جلیله اتباعاً سرحد طوغری قوشا- جقزلندن امینم ....»

کردستان اشرفندن بدرخانی آرزوی «حضر تلری طرفندن کردله خطاباً یازیلان دعوتنامه دن :

### رمالهم را فی سبیل الله ...

شجیع وقهرمان کردلر! بیلکزه مسلمانلغک طایاندینی اک متین دیرک کردن بریده سزسکز. مسلمانلغک، عثمانیلغک کردلک الدن کیتک اوزره بولندی و دین دشمنلرینک پایتختنک اطرافنی صاردینی بوکولردنه باباکیکیت، مرید، آرسلان کردلر راحت دوشکندنه یانامازلر! ... هایدی، هپ برابر دینک، وطنک امدادینه قوشهلم، دشمنلرمزه کردلرک نه قهرمان وطن مدافعی، نه کوچلی قوتلی آدملر اولدیغنی کوسترلم، اللهک امرینی یرینه کتیرلم، دین و وطن اوغورنده جهاد ایدلم. .. یکیت کردلر، ای بیلکزه دین ده، وطن ده، تورک ده، عربده، کرده تهلکه ده در، هرشی تهلکه ده در، قلنجلرمز بوکونده شاقیردامازسه آرتق هیچ برزمان قینندن چیقمايه جقدر. برکره اسلامیت محو اولورسه نه کرد قالیر، نه عرب، نه چرکس، نه ده تورک! ... اسلاملق ووطنمز بوکونکی صیغتی یی هیچ کورمه مش ایدی. وطنی قورتارمق وطن اوغورنده سونه سونه دوکوشوب غازی ویا شهید اولمق هیمزک اوزرینه فرض عیندر. هایدی کردلر! هپ بردن کورمه مش آرسلانلر کبی دشمنلرمزه هجوم ایدلم. البته بویله برجهادده اولمک دشمنک، آغنی آلتنده چیکننه جک عزیز وسوکیلی وطنمزک دوشکونلکنی، اولومنی کورمکدن بیک کره خیرلدر.

ولایاتده مدافعه ملیه تظاهراتی :

### سبیل الرشاد غزیه سی واسطه سید مقام صراره

۲۲ کانون ثانی، کنج — حرب بیاننامه لرله نیت ومقاصدلرینی اعلام وروم ایلنده کی خون پاک مسلمینی اراقه، ناموس عصمتی هتک صورتیه اظهار ایدن اعدانک صولتی، تعبیر صریحیه صلیک هلالی محو ایتک املندن عبارت اولان تهاجاتی، عالم اسلام ایچون دوره انتباهک حلول ایتدیکنی اثبات ایتدی. ائتلاف مثلثک معاونه یله اسلاملره روا کوریلان مظلمه نهایت ویردیرمک، دینزی مقدساتی قورتامق ایچون مالاً جاناً دارالحربه شتابه مهیایز. تشکیلاتنه مساعده بیوریلورسه صنوف مخزنه عسکریه دن ماعدا کردسانده درتیوز قدر کوللی طاووری احضاری تخمین اولنیور. بوکتله شجیعنه برانتظام آلتنه آلتق واحتیاجلری تهوین ایدلمک ایچون حکومتیزک رهبرلکنه مفتقدردر. اگر بعیدت مسافه و موسم حسیه درحال نقاط مطالبویه سوقی شمدلک متعسر ایسه هر وقت امرحکومه مهیا بولنه جق بر قوه کلیه نك تعلیم وتربیه سنک عاجلاً اکلندن متولد فوائد عظیمه مستغنی عرضدر. بناء علیه علما، مشایخ، رؤسانک ارشاداتی حکومتیزک رهبر- لکیله طاوورلرک تشکیلی وتعلیم ونواقلرینک اکللی وپیدرپی اراده بیوریله جق سمته سوقلرینه دائر مقام سامیلرینه اعیانیدن سید عبدالقادر افندی حضرتلری واسطه سیله مقدم ۲۰ کانون اول سنه ۳۲۸ تاریخلی تلغرافنامه مزی ناموس عسکرکی وشرف ملینک اعاده ووقایه سیچون تجدید ایدیلن محاربه نك اعلانی وسیله سیله تکرارعرض، ایجاب ایدنلرله کردستان والیرینه کیفیتک اراده سی استرحام ایلرز.

کنج مبعوث سابق محمد، مفتی حسن، مشایخن عبدالله، مدرس احمد، اشرفدن محمود، اشرفدن محمد، اشرفدن محمد، اشرفدن اسماعیل ۲۲ کانون ثانی، کنج — بالقان نائره حربنک تکرار اشتعال ایده.

سکسان اوچ پارچه اشیا مختلفه محال عائده سنه کوندرلیدی اداره خانه مزه کوندریلن بر جدولدن اکلشه شد. محترم اینه کول اهالیسنک حمیت اسلامیه ووطنیه لری شایان تقدیردر.

مکه مکرمه دو انجای عثمانی اعانه سی. — مکه مکرمه دن آلدیغمز خصوصی خبرلره کوره مکه مکرمه امیر محترمی دولتلو سیادتلو شریف حسین پاشا حضرتلرینک نظارت هاشمانه لری تحتنده متشکل دونمای عثمانی مکه شعبه سی طرفندن قبل الحج ۵۸، ۵۷، ۵۶، غروش بعدالحج دخی ۱۲۳، ۳۲۰ که جمعا ۱،۱۹۷،۴۷۸ غروش اعانه جمع اولمشدر. اشبومبالغ عظیمه نك جمعنه موفق اولان دونما اعانه قومیسونی اعضالری ذوات آتیه دن مرکبدر :

ناظر عمومی امیر مکه مکرمه شریف حسین پاشا حضرتلری، دفتردار ولایت، امیر مکه زاده شریف علی بك افندی حضرتلری، دیگر مخدوم امارتپناهی شریف فیصل بك افندی، حرم شریف مدیری امین افندی، حنفی مفتیسی عبدالله سراج افندی، مفتاحدار بیت معظم عبدالقادرشینی افندی، ژاندارمه قوماندان وکیل عثمان بك، قومیسون کاتبی روزنامهچی علی رضا افندی.

مکه مکرمه ده اعانه صریحه. — مشارالیه شریف حسین پاشا حضرتلرینک تحت نظارت جلیله امارتپناهیلرنده متشکل قومیسون طرفندن برماه طرفنده جمع ایدیلن حرب اعانه سی (۱،۴۴۸،۴۵۵) غروشه بالغ اواشدر. بو اعانه یالکزه قبله عالم اسلام اولان مکه مکرمه شهرینک اولوب ملحقات بوکا داخل دکلدر. شمیدی ده خاندان جلیل رسالته منسوب بالجمله شرفاوسادات کرام، علما، مدرسین، اهالی، مجاورین، تجاروکافه قبائل عربان شیخریله دوه جیلره وارنجهیه قدر اعانه حربیه به اشتراک ایلشدر.

سبیل الرشاد. — غیر قابل تجزی بوجود معنوی اولان عالم اسلامک یاشامقده اولدینی شوماتم انکیز کونلرنده مهرمنیر اسلامک مطلع انوارفیوضاتی اولان مکه مکرمه دن بواصر جلیل تعاوی، ایلک تشبثده مهم برملغ طویلاندیغنی استبشار ایتک بزم ایچین برحیات نوینه نائلیت قدر قیمتدار برمژده در. بز لایترزل برانیت، براطمئشان قلب ایل امید وارزکه، مهبط وحی الهی اولان کعبه الله العلیانک حضورعلاوتنده شرف خلافتک، ناموس توحیدک پامال صلیب اولقندن محافظه سی ایچین نجل نجیب رسالتپناهی، امیرعلاوشان حسین پاشا حضرتلرینک تشبث بو یوردقلری بواصر اهم تعاون نورسحر کبی بتون آفاق اسلامه انتشار ایده جک، ان شاء الله آرزومانده امید وانتظارک قات قات فوقنده مبالغ جسمیه طویلانه جقدر.

### هندستان :

تظاهرات اسرمیه. — قالكوتادن ۹ کانون ثانیده چکیلن بر تلغرافنامه ده اشعار اولوندیغنه کوره : مسلمانلر، عثمانیلر ایلنده بر اجتماع یاپیشلر بو اجتماعده مختصاتک یکیدن باشلامسینی طلب وآوروپانک سکوت غدارانه سنی وانکلترونک بلغار وحشکنه قارشو کوسترمش اولدینی لاقیدی بی پروتستو ایتشدر.

§ ۳۰. کانون ثانی تاریخیه آژانس رویتره دا ایدن بیسلیر یلیور : « لاهور اهالی » اسلامیه سی عقد ایتدکلری بر اجتماعده انکلترون حکومتدن عثمانیلر علیهنده اتخاذ اولنه جق تدابیر تضییقه به اشتراک ایتهمسینی وحکومت عثمانیه دن شان اسلامیتی محافظه ویاخود فدای جان ایدلسینی طلبه قرار ویر- م لر در. مقرراتک نهایتنده لاهور مسلمانلرینک عثمانلی قرده شلرینه مخالفت قلبیه لری بیان ایدلشدر.

### تاریخ اسلامه آلتون صحیفه لر

اعیان اعضاسنندن سید عبدالقادر افندی حضرتلری طرفندن اولاد اكراده خطاباً یازیلان دعوتنامه دن :

« وطن تهلکه ده در. دشمن دین بك یاقینده در. مقصدی مقام خلافته